

СЗХ - Төв Азийн Бизнес эрхлэгч эмэгтэйчүүдийг дэмжих хөтөлбөр – Хаан Банк IV

Улс:	Монгол
Төслийн дугаар:	56004
Бизнесийн салбар:	Санхүүгийн байгууллагууд (банк)
Мэдэгдлийн төрөл:	Хувийн хэвшил
Байгаль орчны ангилал:	Санхүүгийн байгууллагууд (СБ)
Хэлэлцэх хурлын огноо:	2025 оны 4 сарын 9
Төлөв байдал:	Судалгааны шатанд
ТХББ-г нийтэд ил тод болгосон огноо:	Англи хэл дээрх ТХББ-ийг нийтэд ил болгосон өдөр: 2025 оны 3-р сарын 5

Төслийн танилцуулга

Санхүүгийн Зуучлалын Хөтөлбөр ("СЗХ", төслийн дугаар: 47424)-ийн Төв Азийн Бизнес эрхлэгч Эмэгтэйчүүдийг дэмжих Хөтөлбөр (ТА БЭЭДХ)-ийн хүрээнд 70 сая ам.доллар хүртэлх анхдагч өглөгт тооцогдох, барьцаагүй зээлийг ХААН Банк ХК ("ХБ" эсвэл "Компани")-д олгох төсөл ("БЭЭД зээл" эсвэл "Төсөл"). Зээлийг 2 тэнцүү хувааж олгох бөгөөд, 2 дахь траншийн нөхцөлийг олгох үед тохирно.

Төслийн зорилго

Дотоодын эдийн засгийн өрсөлдөх чадварыг нэмэгдүүлэх, эмэгтэй бизнес эрхлэгчдийн санхүүгийн хүртээмжтэй байдлыг дээшлүүлэхэд төслийн зорилго оршино.

Шилжилтийн нөлөөлөл

Хүлээгдэж буй шилжилтийн нөлөөлөл (ХШН)-ийн оноо: 70

Энэхүү төсөл нь Төв Азийн Бизнес эрхлэгч эмэгтэйчүүдийг дэмжих хөтөлбөрт хувь нэмрээ оруулан, Тэгш оролцоо ба Өрсөлдөх чадварыг бий болгохыг дэмжинэ. Тус зээл нь эмэгтэйчүүдийн бизнес эрхлэлтийг дэмжихийн зэрэгцээ "санхүүгийн хүртээмж" ба "ажил эрхлэлт, бизнес эрхлэлт"-ийн жендерийн дутагдлуудыг багасгаж бизнесийн орчинд эмэгтэйчүүдийн идэвхтэй оролцоог дэмжинэ.

Харилцагчийн мэдээлэл

Хаан Банк ХК

ХААН Банк ХК нь Монгол Улсын хамгийн том арилжааны банк бөгөөд 545 гаруй салбар тооцооны төв болон дижитал сувгуудаараа дамжуулан Монголын хүн амын

82%-д үйлчилгээ үзүүлж байна. 2024 оны 3 дугаар улирлын байдлаар 5.9 тэрбум ам.долларын активтай, 3.4 тэрбум ам.долларын зээлийн багц, 679 сая ам.долларын өөрийн хөрөнгөтэй байна. ХААН Банк нь “Мүүдиз” байгууллагаас “B2/тогтвортой”, Фитч байгууллагаас “B+/тогтвортой” үнэлгээ авсан.

ЕСБХБ-ны санхүүжилтийн тойм

70,000,000.00 ам.доллар

Төслийн нийт өртөг

70,000,000.00 ам.доллар

Нэмэлт ашиг тус

Санхүүжилтийн бүтэц: ЕСБХБ нь зах зээл дээр санал болгож байгаагаас урт хугацаанд эргэн төлөгдөх зээлийг боломжийн нөхцөлөөр санал болгодог.

Мэдлэг, инновац, ба чадавх сайжруулах: ЕСБХБ-аас харилцагч байгууллагад төслийн зорилгуудыг цаг тухайд нь биелүүлэхэд шаардлагатай чухал чадварууд болох туршлага, инновац, болон мэдлэгээр ханган үйлчлүүлэгчийн чадавхыг бэхжүүлэхэд дэмжлэг үзүүлнэ.

Байгаль орчин, нийгмийн тойм

Санхүүгийн Байгууллагууд - ангилал (2019 оны Байгаль орчин, нийгмийн бодлого баримт бичиг). ХААН Банк нь Банкны харилцагч бөгөөд байгаль орчны болон нийгмийн шаардлагуудыг хангалттай хангасан.

ХААН Банкны байгаль орчин, нийгмийн эрсдэлийн удирдлагын систем нь ЕСБХБ-тай нийлсэн бөгөөд банкны нийт багцыг хамардаг. ХААН Банк нь уур амьсгалын өөрчлөлт, хүний эрх, хүүхдийн эрх, чанар, биологийн олон янз байдлыг багтаасан Тогтвортой хөгжлийн бодлогыг 2010 оноос өдөр тутмынхаа үйл ажиллагаанд нэвтрүүлэн хэрэгжүүлж байна. ХААН Банк нь тогтвортой байдал болон нийгмийн хариуцлагын шалгуур дээр үндэслэн ханган нийлүүлэгчдийнхээ гүйцэтгэлийг тогтмол үнэлж байдаг. Мөн Тогтвортой хөгжил ба БОНЗ-ийн жилийн тайлангаа өөрийн цахим хуудас дээр нийтэлдэг. ХААН Банк нь 2010 оноос НҮБ-ын Глобал Компактын гишүүн, 2023 оноос хүлэмжийн хийг хэмжих санаачилга PCAF-ийн гишүүн болоод байна.

Байгаль орчин, нийгмийн эрсдэлийн удирдлагын систем нь бодлого журмууд нь Банкны Гүйцэтгэлийн 2, 4, 9-р шаардлагуудыг хангаж байгаа. Харилцагч цаашид дээрх шаардлагуудыг хангасан байна. ХААН Банк дээрх шаардлагуудыг ЕСБХБ-ны санхүүжилттэй бүх дэд зээлүүдэд үргэлжлүүлэн хэрэгжүүлж, дэд зээлдэгч нарт Байгаль орчин, эрүүл ахуй, аюулгүй байдлын стандартуудыг үргэлжлүүлэн мөрдүүлнэ. Харилцагч нь ЕСБХБ-ны байгууллага, ЖДҮ болон бичил зээлийн Байгаль орчин, нийгмийн журмыг баримталж Байгаль орчин, нийгмийн үл зөвшөөрөх жагсаалт болон Гүйцэтгэлийн шаардлага 9-д заасан лавлагааны жагсаалтыг дагаж мөрдөнө.

Техникийн хамтын ажиллагаа /ТХА болон Хөрөнгө оруулалтын буцалтгүй тусламж

ТА БЭЭДХ-ийн хүрээнд олгогдох ТХА нь дараах хоорондоо хамааралтай хоёр хэсгээс бүрдэнэ:

(i) Харилцагч санхүүгийн зуучлагч байгууллагуудад (ХСЗБ) зориулсан чадавх сайжруулах хөтөлбөр: Тус ТХА-ны хөтөлбөр нь 5.75 сая ам.доллар хүртэлх хэмжээтэй бөгөөд ХСЗБ-уудын чадавхыг сайжруулах, хөтөлбөрийг дэмжихэд зориулагдана. ТХА-ны хөтөлбөр нь ХСЗБ-уудад эмэгтэйчүүдийн эзэмшдэг ЖДҮ-ийн онцлог хэрэгцээнд нийцсэн санхүүгийн бүтээгдэхүүн, зээлийг тус тусад нь хөгжүүлэхэд туслахын зэрэгцээ ХСЗБ-ын ажилтнуудыг сургах, маркетингийн дэмжлэг үзүүлэх, түүнчлэн энэ бүлэгт зээл олголтыг тогтвортой болгохын тулд тодорхой зах зээл дэх алдаа дутагдалд анхаарлаа хандуулах замаар эрсдэлийг хуваалцан хөтөлбөрийн хэрэгжилтийг дэмжинэ.

Санхүүжилтийн эх үүсвэр: Бизнес Эрхлэгч Эмэгтэйчүүдийн Санхүүгийн Санаачилга (We-Fi)

Дүн/валютын төрөл: ТА БЭЭДХ-н түвшинд 5.75 сая ам.доллар

Санхүүжилтийн төлөв: Батлагдсан

Харилцагчийн оруулах хувь: ЕСБХБ-ны Харилцагчийн оруулах хувь нэмрийн талаар баримтлах бодлого (BDS20-119/Rev 1) болон удирдамжийн дагуу, ХБ нь ТХА-г дэмжихийн тулд 28,000 ам.доллар хүртэлх хувь оруулах шаардлагатай болно. Энэхүү хувь хэмжээнд БЭЭДХ-тэй холбоотой бүтээгдэхүүний сургалт семинар явуулах, сурталчлах арга хэмжээ, маркетингийн үйл ажиллагаа болон материалуудыг оруулж болно.

ii) Зөвлөх Үйлчилгээ Хөтөлбөрөөр дамжуулан эмэгтэйчүүдийн эзэмшлийн БЖДҮ-ийн чадавхыг сайжруулах хөтөлбөр

Санхүүжилтийн эх үүсвэр: We-Fi

Дүн/ валютын төрөл: ТА БЭЭДХ-н түвшинд 4.5 сая ам.доллар

Санхүүжилтийн төлөв: Батлагдсан

ХБ-ны кибер аюулгүй байдлын зөрүүний шинжилгээ хийх, кибер аюулгүй байдлын технологи, журмуудыг сайжруулах болон хиймэл оюун ухаан (AI) системээс үүсэх эрсдэлийг бууруулах чиглэлээр Техникийн хамтын ажиллагаа (ТС) хэрэгжүүлэх. Зөвлөх нь мөн тус банкны кибер аюулгүй байдлын бодлогыг сайжруулах үйл ажиллагааны төлөвлөгөө боловсруулах болно. ХБ нь санал болгосон ТХА-ны зардлын 30%-ийг даана. Санхүүжилтийн эх үүсвэр: батлагдаагүй. Санхүүжилтийн төлөв: батлагдсан. Дүн/ валютын төрөл: 60,000 евро (харилцагчийн хувь 30% буюу 18,000 евро, ЕСБХБ-ын хувь 70% буюу 42,000 евро).

Компанийн холбоо барих мэдээлэл

Б.Болортуяа, Олон улсын харилцааны газрын захирал

bolortuya.b@khanbank.com

+976 11332333

+976 70117023

www.khanbank.com

ХаанБанк ХК, KhanBank Tower, Чингисийн Өргөн Чөлөө-6, Стадион Оргил-1,
Хан-Уул Дүүрэг, Улаанбаатар 17010, Монгол Улс

Шилжилтийг ойлгох нь

Шилжилтийн нөлөөллийг хэмжих чиглэлд ЕСБХБ-ны баримталдаг арга хандлагын талаарх нэмэлт мэдээллийг [эндээс](#) авна уу.

Бизнес боломжууд

Бизнес боломжууд болон худалдан авалтын талаар үйлчлүүлэгч компанитай холбогдоно уу.

ЕСБХБ-тай хамтран ажиллах боломжууд (худалдан авалттай холбоогүй)-ын талаар сонирхвол дараах утасны дугаар, цахим хаягаар холбоо барина уу.

Утас: +44 20 7338 7168

Цахим шуудан: projectenquiries@ebrd.com

Төрийн хэвшлийн төслүүдтэй холбоотой мэдээлэл авахыг хүсвэл [ЕСБХБ-ны Худалдан авалт](#) хэсэгт зочилно уу.

Утас: +44 20 7338 6794

Цахим шуудан: procurement@ebrd.com

Ерөнхий лавлагаа

Дэлгэрэнгүй лавлагааг [ЕСБХБ-ны Лавлагааны маягт](#) ашиглан авах боломжтой.

Байгаль орчин, нийгмийн бодлого (БОНБ)

[БОНБ](#) болон холбогдох Гүйцэтгэлийн Шаардлагууд (ГШ) нь ЕСБХБ-ны “байгаль орчинд ээлтэй, тогтвортой хөгжил”-ийг хөхиүлэн дэмжих үүрэг амлалтаа биелүүлэхэд баримтлах арга замуудыг тодорхойлдог. БОНБ болон ГШ-д үйлчлүүлэгчийн зүгээс олон нийтийн мэдээлэл, хэлэлцүүлгийн талаарх үндэсний хууль тогтоомжийн холбогдох заалтуудыг дагаж мөрдөх, мөн оролцогч талуудын санал гомдол, ялангуяа үйлчлүүлэгч ба төслийн байгаль орчны болон нийгмийн гүйцэтгэлийн талаарх санал гомдлыг хүлээн авч, шийдвэрлэдэг гомдол барагдуулах механизм бий болгох тухай тодорхой заалтууд багтсан байдаг. ЕСБХБ нь аливаа төслийн байгаль орчны болон нийгмийн эрсдэл, нөлөөллийн мөн чанар, цар хүрээнд дүйцүүлэн, тухайн төслийн улмаас үүсэх эрсдэл, үр нөлөөллийн тухай мэдээллийг шаардлагын дагуу ил болгох, эсвэл оролцогч талуудтай утга учиртай зөвлөлдөх,

тэдний санал хүсэлтийг харгалзан үзэж, хариу өгөх нэмэлт шаардлагыг үйлчлүүлэгчиддээ тавьдаг.

Энэ чиглэлд ЕСБХБ-ны хэрэгжүүлдэг практикийн талаарх нэмэлт мэдээллийг [БОНБ](#)-д оруулсан болно.

Бүрэн төгс байдал ба комплаенс

ЕСБХБ-ны Комплаенс хариуцсан Захирлын Ажлын алба (КЗАА) нь сайн засаглалыг хөхиүлэн дэмжиж, олон улсын шилдэг практикт нийцүүлэн Банкны бүхий л үйл ажиллагаан дахь бүрэн төгс байдлыг хамгийн дээд стандартаар хангахад анхаарч ажилладаг. Төслүүдийн зүгээс Банкинд бүрэн төгс байдал, нэр хүндийн хувьд хүлээн зөвшөөрөх боломжгүй эрсдэл үүсгэхгүй байх нөхцлийг хангахын тулд тус Банк бүх үйлчлүүлэгчийнхээ бүрэн төгс байдалд нарийвчилсан үнэлгээ хийдэг. Банк аливаа асуудлыг төслийн үнэлгээг батлах үе шатанд илрүүлэн тогтоож, шийдвэрлэх нь Банкны транзакцийн бүрэн төгс байдлыг хангах хамгийн үр дүнтэй арга зам гэж үзэж байна. КЗАА нь эдгээр хамгаалалтын арга хэмжээг авахад голлох үүрэг гүйцэтгэж, мөн төслүүдийн хөрөнгө оруулалтын дараах бүрэн төгс байдлын эрсдлийг хянахад тус дөхөм үзүүлдэг.

Түүнчлэн, КЗАА нь ЕСБХБ-ны санхүүжүүлсэн төслүүдтэй холбоотой залилан мэхлэлт, авилга, хээл хахууль болон буруу үйлдлийн талаарх гомдлын мөрөөр судлан шалгах үүрэгтэй. Банкны ажилтнууд, эсвэл гадна байгаа хэн ч бай залилан мэхлэлт болон авилгал үйлдэгдсэн хэмээн сэжиглэж буй тохиолдолд Комплаенс хариуцсан захиралд compliance@ebrd.com цахим шуудангийн хаяг руу бичгээр илтгэх ёстой. Мэдээлэгдсэн бүхий л асуудлын мөрөөр хянан шийдвэрлэх ажлыг КЗАА гүйцэтгэнэ. Нэр хаягтай болон нэр хаяггүй бүх мэдээллийг шалгана. Мэдээллийг Банкны албан ёсны хэл болон үйл ажиллагаа явуулдаг улс орнуудын хэлний алинаар ч үйлдэж болно. Ирүүлсэн мэдээлэл нь чин сэтгэлийн байх ёстой.

Мэдээллийн хүртээмжийн бодлого (МХБ)

МХБ нь 2020 оны 1 дүгээр сарын 1-нээс хүчин төгөлдөр хэрэгжиж эхэлснээс хойш ЕСБХБ мэдээллийг хэрхэн олон нийтэд ил тод болгох, өөрийн стратеги, бодлого болон үйл ажиллагааны талаарх мэдлэг, ойлголтыг нэмэгдүүлэн сурталчлах чиглэлд оролцогч талуудтай хэрхэн зөвлөлдөх арга замуудыг тодорхойлсон байдаг. ЕСБХБ-ны вэб сайтаас ямар мэдээлэл авах боломжтойг мэдье гэвэл [Мэдээллийн хүртээмжийн бодлого](#) хуудсанд зочилно уу.

Мэдээлэл авах тодорхой хүсэлтээ [ЕСБХБ-ны Лавлагааны маягт](#) ашиглан илгээх боломжтой.

Төслийн хариуцлагын хараат бус механизм (ТХХБМ)

Хэрэв байгаль орчин, нийгэм болон мэдээллийн ил тод байдалтай холбоотой санал гомдлоо үйлчлүүлэгч болон Банкинд тавьж шийдвэрлүүлэх (жишээлбэл: үйлчлүүлэгчийн Төслийн түвшний гомдол барагдуулах механизмаар дамжуулж, эсвэл Банкны удирдлагатай шууд харилцах замаар) оролдлого, хүчин чармайлт нь амжилтгүй болвол, хувь хүн болон байгууллагууд санал гомдлоо ЕСБХБ-ны Төслийн хариуцлагын хараат бус механизм (ТХХБМ)-аар дамжуулан шийдвэрлүүлэхийг зорьж болно.

ТХХБМ нь Төсөлтэй холбоотой бусдад хор хохирол учруулсан (эсвэл учруулж болзошгүй) гэж үзэж буй асуудлуудыг хараат бусаар хянан шалгадаг. Энэхүү Механизмын зорилго нь байгаль орчин, нийгэм болон мэдээллийн ил тод байдалтай холбогдох асуудлуудыг шийдвэрлэх талаар Төслийн оролцогч талуудын хоорондох яриа хэлэлцээг дэмжих; Банк өөрийн [Байгаль орчин, нийгмийн бодлого](#), эсвэл [Мэдээллийн хүртээмжийн бодлого](#)–ын Төсөлд холбогдох заалтуудыг дагаж мөрдсөн эсэхийг тогтоох; мөн шаардлагатай тохиолдолд Банкны зүгээс эдгээр бодлогод үл нийцсэн зөрчлийг арилгах, түүний зэрэгцээ цаашид тийм зөрчил гарахаас урьдчилан сэргийлэхэд оршино.

ТХХБМ болон түүний эрх үүргийн талаар илүү ихийг мэдэхийг хүсвэл [Төслийн хариуцлагын хараат бус механизмын вэб сайт](#), хянан шалгуулах хүсэлт тавих бол [Хүсэлт](#) хаягаар тус тус хандана уу. Эсвэл ТХХБМ-ын талаар, мөн санал хүсэлт хэрхэн тавих тухай чиглэл заавар, нэмэлт мэдээлэл авах бол ipam@ebrd.com цахим шуудангаар хандаж болно.